

四十一家小說合刻
說叢卷一

雲間儀部
古邦鐵冷
編輯

小說仙
韓老人

沃丘仲子

涼雨乍歇。癡雲半破。雲破處。露出蔚藍幾痕。秋星數點。渭水含烟。潺湲微響。第見傍岸數疊殘山。山麓茅屋五椽。荊籬圍繞。籬邊山下。彌望皆柿林。芾蔭疎柳。寒梧點碧。綴丹。周遭掩映。籬內則鞠花半吐。鶴睡方濃。絡緯猶鳴。螢飛欲亂。居此屋者。乃渭南韓老人也。

老人佚其名。祖若父皆攻農。昆弟四。老人其季也。生七歲。就鄉塾讀。越三年。能誦四書詩經。塾師誇其慧。老人顧不嗜讀。嘗問師曰。弟子日勞心。蹙額日從事。此大學之道。關關雎鳩。果何益者。師曰。凡以爲功名也。汝亦知世有秀才。廩貢舉人進。

士翰林其人乎皆熟讀此等書者其最者爲翰林等而次之以至於秀才老人叩師居何等師曰吾秀才也老人曰然則師其殿矣讀書何爲哉師怒撲以夏楚翌日更問於師曰弟子嘗觀劇父母咸謂所演秦檜嚴嵩皆奸臣不可法若而人者亦有功名乎亦曾讀書乎師告以皆起家翰林安得不讀書老人嘆曰讀書亦爲奸臣吾固知讀書之無益也師愈不懌言之老人父父復撲之且謂汝果勤讀獲功名者祖宗喜且莫大老人默度然則耕者賈者其祖宗必憂且死矣自是數逃學父師交治之弗悛

一日其母績燈下老人隅坐伺之見排闥入者父也容慘沮就母語幾不成聲第聞母數詈閭舉人非人也老人微叩狀母曰下壩閭舉人謀奪吾家產吾儕尋奈矣老人曰彼舉人豈不讀書耶母曰不讀安得舉曰彼讀書而行乃類是是讀書無益更明父方鬱怒聞老人語益不可遏遂掀之出戶外而數之曰汝屢逃學師

與我不知費却幾許心血而汝初無改意。今且當我前直謂讀書無益。吾家何需汝。汝其速行。老人方悔欲歸。父前請罪。則戶已閤。擗之久無應者。知父怒難遽回。遂去宿之破廟中。

初老人仲兄賣於外。歸必予老人以錢。積二年。錢踰五百。乃以半貯瓦罐中。母藏之半繫之禪帶上。備不時需。見逐之次日。人見藍田小溪上有童子趨趨嗟嘆。向東行者。則老人之謁王和尚也。和尚非僧。特以禿而得名者也。家居好與羣兒嬉。故老人識之稔。至其家。則和尚方以竿就池驅羣鴨爲戲。睹老人狀曰。若何愁者。豈又見撲於若如牛之塾師耶。老人曰。否。遂舉夜來狀以告。王曰。今晚我當送若歸。試觀吾鴨。老人曰。父怒甚。歸恐不我貸。且事實起於閻。舉人非死。閻何足悅。吾父今就子者。所以謀死閻之術也。閻不死。吾安歸。和尚瞠視不能答。旣而笑曰。死彼何難。特患無刀耳。老人問刀安從得。王曰。購之市肆。可問需錢幾何。曰。二百可。

且若亦數觀劇者。其人皆彩服塗面。持刀。若是殺人人。莫能抗。老人識之。辭出。遇叔兄於塗。曰。父爲閹。控諸宰。已提將官裏去。母哭欲死。汝胡不知歸。老人慘默。亟隨兄行。至則母與兄嫂環泣於堂。見老人亦無語。乃趨就母。問官其將殺吾父耶。母曰。非官殺汝。父殺汝。父閹也。老人曰。若是。則不如兒先殺閹。母聞急以手握其口。遂不復言。繼歷室內外。則房之笥。櫛之雞。庖之餽。屯之糧。並渺無存。默念。母曩言。吾儕行。李今驗矣。自是殺閹心愈決。

父旣數日不歸。兄亦去。縣城。母嫂唯涕泣相對。老人仍廢學。從羣豎戲。得間輒問諸牧奴。有識閹舉人者乎。一童曰。彼日步張家溝上。麻其面。黃其鬚者。非閹也耶。如其言。伺之溝上。薄暮。輒見閹。乃出所蓄錢。就村市購刀。藏禪腰。又念彩服不可得。則取泥塗面。伏溝澗叢莽中。如是數日。然閹皆共人行。弗能着手。老人亦寢懈矣。以爲再不克殺。此奸者當先火其居。是日復往。日落閹猶弗至。俄頃殘月漸